



**Izvještaj o radu u oblasti međunarodne  
saradnje Internacionalnog univerziteta  
Travnik u Travniku za akademsku 2021/2022.  
godinu**

**Travnik, oktobar 2022. godine**

## **1. Strategija međunarodne saradnje Internacionalnog univerziteta Travnik u Travniku**

Internationalni univerzitet Travnik u Travniku svojim radom i razvojnom strategijom jamči međunarodnu saradnju i mobilnost nastavnog osoblja i studenata. Kao privatna visokoškolska institucija, s dugoročnim pogledom na opstanak u danom okruženju, odlučna u namjeri da svojim studentima pruži znanja koja će im biti vodilja u karijeri, a ne samo osnovica za stjecanje zvanja, ima pred sobom težak zadatak – utoliko prije što bez ikakve društvene podrške nastoji da unese nove poglede u razvoj privrede i društva. Međunarodna saradnja zahtjeva od visokoškolske ustanove implementaciju međunarodnih i međukulturalnih obilježja u nastavni proces, istraživanja i prateće aktivnosti, a sve to s ciljem potpunog uključivanja univerziteta u regionalne, europske i svjetske tokove iz područja znanosti, transfera znanja i visokog obrazovanja.

Mobilnost i međunarodna saradnja predstavljaju jednu od ključnih područja strategije Europa 2020, a koji se prožimaju kroz tri inicijative u poglavlju obrazovanja. Također, drugim milenijumskim razvojnim ciljem, ali i u 4. poglavlju Programa održivog razvoja do 2030. ukazuje se na važnost obrazovanja i potrebu za njegovim daljnim razvojem. Shodno sa navedenim, Univerzitet nastoji da u okviru svojih mogućnosti, prati i inkorporira svjetske tekovine u vlastiti razvoj, ali i u njegovu inkluziju u društvo. Činjenica je da bh. obrazovni sistem može napredovati samo ukoliko je usklađen sa zahtjevima Europskog prostora visokog obrazovanja (EHEA) i Europskog istraživačkog prostora (ERA). Temeljem pomenutih dokumenta, ali i brojnih drugih, napravljena je Strategija razvoja Univerziteta iz koje proističe i Strategija za međunarodnu suradnju.

Strategija za međunarodnu suradnju sadržava temeljena načela međunarodne suradnje, viziju, misiju i ciljeve, kako ove strateške tako i one koje se odnose na međunarodnu suradnju. Međunarodna saradnja zahtijeva dvosmjernu komunikaciju, pa s toga traži da Univerzitet intenzivno razvija dugoročne međunarodne odnose koji su i koji će biti višestruko korisni kako za studente i nastavno osoblje tako i za društvenu zajednicu i cjelokupno okruženje Univerziteta. Međunarodna mobilnost doprinosi ostvarenju nekolicine ključnih ciljeva, kao što su: da se pruži pomoć zemljama u razvoju i zemljama u sponu da izgrade svoje kapacitete, da se generišu prihodi za privredu i sektor visokog obrazovanja, da se unaprijede nastavne i administrativne prakse visokoškolskih ustanova prateći međunarodne kriterije, učešće u međunarodnim tijekovima znanja te privlačenje ali i zadržavanje talentiranih studenata u područjima ekonomije i istraživanja zemlje domaćina.

Usaglašenost studijskih programa sa programima partnerskih institucija omogućava razmjenu studenata i priznavanje ispita zasnovanih na Europskom sistemu prenosa kreditnih bodova (ECTS). Također, za studente iz drugih zemalja nudit će se program redovnih studija, ali i program učenja na daljinu bit će prilagođen studentima a iz drugih zemalja. Mobilnost studenata je jedan od ključnih segmenata Bolonjskog načina izvođenja nastave, s toga Univerzitet potiče mobilnost studenata i promovira iskustva međunarodne razmjene te nastoji da poveća stopu razmjene studenata.

## **2. Međunarodni programi mobilnosti**

Mobilnost studenata, akademskog i neakademskog osoblja je jedan od ciljeva organiziranja visokoškolskog obrazovanja prema načelima bolonjskog procesa. Mobilnost pojedincu pruža iskustvo studiranja, rada i života u drugačijem akademskom, kulturnom i društvenom okruženju. Studije provedene na europskoj razini potvrđuju da pojedince s inozemnim iskustvom poslodavci smatraju donositeljima kvalifikacija i znanja koja pridonose konkurentnosti.

Nekoliko je programa koji su zasigurno najviše povezivali pojedince i institucije zemalja Zapadnog Balkana te doprinijeli provedbi reformi srodnih onima što su na partnerskim visokoškolskim institucijama zemalja članica Evropske unije postale standard. Programi kao što su Erasmus+, uveliko su doprinijeli internacionalizaciji Internacionalnog univerziteta Travnik u Travniku te provedbi reformi u skladu sa bolonjskim principima. Učešće u novom programu Erasmus+ doprinijelo je učvršćivanju međunarodne pozicije Univerziteta u evropskom prostoru visokog obrazovanja (EHEA).

U akademskoj 2021/2022. godini mobilnost nastavnika i saradnika odnosi se na Erasmus mobilnost, učešće na međunarodnim sastancima i treninzima i na realizaciju mobilnosti posredstvom sporazuma o bilateralnoj saradnji, kao i saradnja za inovacije i razmjenu dobre prakse ( Ključna akcija 2). Kada je riječ o dolascima inostranih nastavnika i saradnika na Internacionalni univerzitet Travnik u Travniku, i u akademskoj 2021/2022. godini najviše mobilnosti ostvareno je putem Erasmus+ programa.

### **3. Izgradnja kapaciteta u visokom obrazovanju**

Smanjena mobilnosti studenata ove akademske godine nadoknađena je kroz Erasmus projekat Ključne akcije 2: “Izgradnja kapaciteta u visokom obrazovanju”. Na kraju 2022. godine završava se implementacija projekta pod nazivom “Razvoj magistarskih studijskih programa u oblasti ekološkog monitoringa i procjene kvaliteta vodenih resursa na ustanovama visokog obrazovanja u zemljama Zapadnog Balkana” (ECOBIAS).

Projektom je koordinirao Prirodno-matematički fakultet Univerziteta u Novom Sadu, a konzorcijum projekta činilo je ukupno 11 univerziteta iz pet zemalja. U ovom pozivu su univerziteti iz Srbije prvi put aplicirali kao programski univerziteti (Univerzitet u Novom Sadu i Univerzitet u Nišu), sa univerzitetima iz Hrvatske (Sveučilište u Zagrebu) i Njemačke (Universitaet Duisburg-Essen), a sa partnerskim univerzitetima iz Bosne i Hercegovine (Sveučilište u Mostaru, Internacionalni univerzitet Travnik, Univerzitet u Tuzli, Univerzitet u Sarajevu, Univerzitet u Istočnom Sarajevu i Univerzitet u Banjoj Luci) i partnerom iz Crne Gore Univerzitetom Donja Gorica. Osnovni cilj projekta bio je akreditacija 27 master i kurseva cjeloživotnog učenja iz oblasti ekološkog monitoringa površinskih voda, te nabavka naučno-istraživačke opreme usmjerene za ekološki monitoring voda i opremanje sedam laboratorija na Univerzitetima u Bosni i Hercegovini i Crnoj Gori i uspostavljanje regionalne “ECOBIAS” akademske mreže. Tokom akademske 2021/2022. godine osoblje Internacionalnog univerziteta Travnik koje učestvuje u Ecobias projektu organizovalo je radionicu i okrugli stol.

#### **3.1. Aktivnosti u okviru ECOBIAS projekta**

U periodu od 08. do 09. decembra 2021. godine Internacionalni univerzitet Travnik bio je domaćin treće Ecobias radionice pod nazivom “Uspostavljanje regionalne akademske mreže u ekološkom monitoringu i biološkoj procjeni akvatičnih ekosistema (EMAB)/Procjena kopnenih voda i pitanje klimatskih promjena”. Na radionici su učestvovali profesori s partnerskih univerziteta iz Novog Sada, Niša, Sarajeva, Tuzle, Mostara, Banja Luke, Zagreba, Istočnog Sarajeva i Crne Gore.

<https://iu-travnik.com/internacionalni-univerzitet-travnik-bio-je-domacin-trece-ecobias-radionice/>

U prostorijama Internacionalnog univerziteta Travnik tokom juna 2022. godine održan je Okrugli stol na temu: "Remedijacija korita rijeke Lašve u urbanoj zoni Travnika kao doprinos planiranju zelenih površina". Osnovni cilj okruglog stola, koji je organizovan u sklopu ERASMUS+ projekta Evropske unije "ECOBIAS, bio je otvoriti raspravu između predstavnika civilnog društva, lokalne samouprave, ustanova te akademske zajednice o izazovima i prilikama o upravljanju vodama u službi održive budućnosti.

<https://iu-travnik.com/odrzan-okrugli-stol-remedijacija-korita-rijeke-lasve-u-urbanoj-zoni-travnika-kao-doprinos-planiranju-zelenih-povrsina/>

Profesor Ekološkog fakulteta Internacionalnog univerziteta Travnik u Travniku, prof. dr. sc. Suad Obradović i studentice Ekološkog fakulteta Travnik, Lejla Karzić i Lejla Sujoldić u periodu od 05.09.2022. do 08.09. 2022. godine učestvovali su na "Ljetnoj školi iz metabarkodiranja okolišne DNK" u sklopu projekta ECOBIAS koja je održana na Univerzitetu u Tuzli u organizaciji Prirodno-matematičkog fakulteta, Odsjeka za biologiju i Univerziteta Duisburg-Essen, Njemačka.

<https://iu-travnik.com/predstavnic-ekoloskog-fakulteta-travnik-ucestvuj-ua-ljetnoj-skoli-iz-metabarkodiranja-okolisne-dnk-u-tuzli/>

#### **4. Međunarodne akademske mobilnosti**

Međunarodna saradnja se promoviše kroz studijske posjete, zajedničke projekte, razmjene itd., sa regionalnim i međunarodnim visokoškolskim ustanovama. Sporazumi su potpisani uglavnom sa Univerzitetima te se saradnja može realizovati na više organizacionih jedinica Univerziteta.

Univerzitet ostvaruje saradnju i realizaciju potpisanih sporazuma kroz razmjenu studenata, nastavnog i administrativnog osoblja, kroz seminare, konferencije te javna i pozivna predavanja. Da bi se studenti i zaposleni na Univerzitetu podstakli na međunarodnu mobilnost napravljena je web stranica za Erasmus+ programa ( <http://erasmus.iu-travnik.com/index.php/en/>).

Na ovoj web stranici mogu pronaći osnovne informacije o programu i pozivima za učeše u mobilnosti. Također, na web stranici Univerziteta redovno se objavljuju članci o iskustvima i učešću studenata i zaposlenika u mobilnosti kako bi se promovisala mobilnost i prikazali primjeri dobre prakse. (<http://iu-travnik.com/category/vijesti/>)

Mobilnost je označena kao izrazito važan faktor u modernom pristupu obrazovanju, te Univerzitet shodno globalnom trendu po ovom pitanju nastoji da uspostavi programe koji će kroz privremeni boravak na drugim visokoškolskim institucijama omogućiti studentima sticanje znanja i vještina potrebnih za konkurentnost na tržištu rada.

Na osnovu ranije potpisanih Inter-institucionalnih ugovora između Internacionalnog univerziteta Travnik u Travniku (kao predstavnika partnerske zemlje) i Kazimieras Simonavičius Univerziteta, Vilnius, Litvanija, "Angel Kanchev" Univerzitetu Ruse, Bugarska, Vilnius Gediminas Tehničkog Univerziteta, Vilnius, Litvanija i Univerziteta Rey Juan Carlos, Madrid, Španija. (kao predstavnike programskih zemalja) u akademskoj 2021/2022. godini realizovano je ukupno 29 Erasmus + mobilnosti.

## Odlazna mobilnost

- **Erasmus odlazna mobilnost studenata**

U akademskoj 2021/2022. godini nije realizovana niti jedna odlazeća ni dolazeća Erasmus mobilnost studenata. Iako je bio objavljen konkurs za mobilnost studenata na zvaničnoj stranici Univerziteta, nije bilo zainteresovanih studenata za učešće u mobilnosti.

[ERASMUS + konkurs za mobilnost studenata Internacionalnog univerziteta Travnik na Rey Juan Carlos Univerzitetu u Španiji - Internacionalni Univrzitet Travnik \(iu-travnik.com\)](#) (Konkurs za mobilnost studenata)

- **Erasmus odlazna mobilnost nastavnog i nenastavnog osoblja**

Nastavno i administrativno osoblje ima mogućnost sudjelovati u Erasmus programu mobilnosti i to u svrhu održavanja nastave te stručnog i profesionalnog usavršavanja. Akademski 2021/2022. godina bila je najuspješnija kada je u pitanju mobilnot nastavnog i nenastavnog osoblja. U Erasmus mobilnosti je sudjelovalo ukupno 21 djelatnik Internacionalnog univerziteta Travnik u Travniku.

U sklopu Erasmus + programa mobilnosti akademsko i administrativno osoblje Internacionalnog univerziteta Travnik, Nehad Gaši i Zlatko Mecan u periodu od 18.10.2021 do 22.10.2021. godine boravili su u posjeti Vilnius Gediminas Tehničkom Univerzitetu u Litvaniji. Tokom posjete predstavnici Internacionalnog univerziteta Travnik održali su niz sastanaka s osobljem Vilnius Gediminas Tehničkog Univerziteta tokom kojih su dogovoreni naredi koraci koji će unaprijediti postojeću saradnju. Delegacija IUT-a održala je sastanke sa prodekanima za nastavu na Fakulteta temeljnih nauka, zatim sa direktoricom Ureda za međunarodnu saradnju, kao i sa Erasmus institucionalnim koordinatorom i koordinatorom za dolazeće Erasmus studente. Na kraju mobilnosti osoblje IUT-a posjetilo je kreativni i inovativni centar za studente pod nazivom „ Vilnius Tech LinkMenu fabrikas“ u sklopu kojeg se nalaze brojne radionice u kojima studenti mogu razvijati svoju kreativnost i raditi na izradi projekata. Osim velikog broja sastanaka, asistent Nehad Gaši je održao i predavanja za studente koji su iskazali želju da u okviru Erasmus + programa mobilnosti posjete Internacionalni univerzitet Travnik. Informacija o posjeti objavljena je na zvaničnoj web stranici Internacionalnog univerziteta Travnik u Travniku.

<https://iu-travnik.com/predstavnici-iut-a-posjetili-vilnius-gediminas-tehnicki-univerzitet-u-litvaniji/>

U odlaznoj mobilnosti u svrhu održavanja nastave na “Angel Kanchev” Univerzitetu Ruse, Bugarska u periodu od 22.11.2021. do 26.11.2021. godine sudjelovale su doc. dr. Azra Ahmić, profesorica na Ekonomskog fakultetu Travnik i Ajla Haračić, asistentica na Saobraćajnom fakultetu Travnik. Profesorica Azra Ahmić i asistentica Ajla Haračić su održale online predavanje studentima Angel Kanchev Univerzitetu.

U odlaznoj mobilnosti u svrhu stručnog i profesionalnog usavršavanja u periodu od 22.11.2022. do 26.11.2022. godine sudjelovala je Aida Varupa. Vijest o posjeti nastavnog i administrativnog osoblja “Angel Kanchev” Univerzitetu Ruse, Bugarska objavljena na zvaničnoj web stranici Internacionalnog univerziteta Travnik u Travniku.

[U sklopu Erasmus mobilnosti osoblje Internacionalnog univerziteta Travnik posjetilo “Angel Kanchev” Univerzitet of Ruseu \(Bugarska\) - Internacionalni Univrzitet Travnik \(iu-travnik.com\)/](#)

U odlaznoj mobilnosti u svrhu stručnog i profesionalnog usavršavanja na “Angel Kanchev” Univerzitetu Ruse, Bugarska u periodu od 21.03.2022. do 25.03.2022. godine sudjelovali su Zlatko Mecan, Amir Mešinović, Arnad Biković i Tarik Zahirović. Vijest o posjeti administrativnog osoblja “Angel Kanchev” Univerzitetu Ruse, objavljena na zvaničnoj web stranici Internacionalnog univerziteta Travnik u Travniku.

<https://iu-travnik.com/posjeta-osoblja-iut-a-angel-kanchev-univerzitetu-u-ruseu-bugarska/>

U odlaznoj mobilnosti u svrhu stručnog i profesionalnog usavršavanja na Vilnius Technical Gediminas Univerzitetu u Litvaniji u periodu od 09.05.2022. do 13. 05. 2022. godine učestvovali su Zlatko Mecan i Nehad Gaši. Tokom boravka Litvaniji predstavnici IUT-a učestvovali su “Sedmici međunarodnog osoblja” prilikom čega su uspostavili saradnju s kolegama s brojnih evropskih i svjetskih univerziteta. Predstavnici IUT-a obogatili su rasprave svojim jedinstvenim iskustvima i uvidima te su imali priliku primijeniti nove digitalne alate i posjetiti univerzitetski istraživačke kapacitete i Centar za inovacije i kreativnost „Linkmenų fabrikas“. Vijest o učestvovanju na „Sedmici međunarodne mobilnosti objavljena na zvaničnoj web stranici Internacionalnog univerziteta Travnik u Travniku.

<https://iu-travnik.com/predstavnici-internacionalnog-univerziteta-travnik-ucestvovali-na-international-staff-week-u-litvaniji/>

U svrhu stručnog i profesionalnog usavršavanja predstavnici Internacionalnog univerziteta Travnik u okviru Erasmus + programa mobilnosti učestvovali su i na „[International Staff Week](#)“ (Internacionalnoj sedmici osoblja) koja je održana u periodu od 04.07. do 08.07.2022. godine na [Univerzitetu Rey Juan Carlos](#) u Madridu u Španiji. Na „Internacionalnoj sedmici osoblja“ prisustvovali su predstavnici univerzitetskih centara iz: Bosne i Hercegovine, Sjedinjenih Američkih Država, Egipta, Maroka, Južne Afrike, Tanzanije, Tunisa i Dominikanske Republike. Koordinator za međunarodnu saradnju, Zlatko Mecan, prezentovao je [Internacionalni univerzitet Travnik](#) i njegove prednosti u pogledu studija, infrastrukture i istraživanja. Tokom učešća na „Internacionalnoj sedmici osoblja“ predstavnici Internacionalnog univerziteta Travnik (Zlatko Mecan, Muhamed Ćosić, Saša Đekić, Nehad Gaši, Amira Delić, Emina Zekotić, Azra Ahmić, Lejla Duraković, Jasenka Pinjo i Azra Oprašić) uspjeli su proširiti i ojačati međunarodne odnose s Univerzitetom Rey Juan Carlos. Također, služba za međunarodnu saradnju IUT-a dogovorila je uspostavljanje saradnje s univerzitetima iz Južne Afrike, Tanzanije, Egipta i Tunisa. Vijest o prisustvu na „Internacionalnoj sedmici osoblja“ objavljena je na zvaničnoj web stranici Internacionalnog univerziteta Travnik u Travniku.

<https://iu-travnik.com/predstavnici-internacionalnog-univerziteta-travnik-posjetili-univerzitet-rey-juan-carlos-u-madridu/>

## Dolazna mobilnost

- Erasmus dolazna mobilnost nastavnog i nenastavnog osoblja

Program dolazne mobilnosti za akademsko i nastavno osoblje na Internacionalnom univerzitetu Travnik u Travniku realizira se od 2016. godine. U akademskoj 2021/2022. godini u svrhu održavanja nastave na Internacionalnom univerzitetu Travnik u Travniku sudjelovalo je 8 osoba.

Predstavnici Kazimieras Simonavičius Univerziteta (Vilnius, Litvanija), profesor Javed Imran i koordinatorica za međunarodnu saradnju, Kristina Šlekiene, u period od 29.03.2022. do 02.04.2022. godine posjetili su Internacionalni univerzitet Travnik u Travniku u okviru Erasmus + programa mobilnosti. Ova posjeta je nastavak uspješne saradnje Kazimieras Simonavičius Univerziteta i Internacionalnog univerziteta Travnik koja se ogleda u razmjeni studenata, akademskog i neakademskog osoblja te organizovanju Međunarodnih naučnih konferencija. Prilikom posjete prof. Javed Imran je održao zanimljivo predavanje za studente Internacionalnog univerziteta Travnik na temu "Interkulturalna komunikacija". Koordinatorica za međunarodnu saradnju na Kazimieras Simonavičius Univerzitetu, Kristina Šlekiene je imala priliku saznati na koji način funkcioniše Ured za međunarodnu saradnju na Internacionalnom univerzitetu Travnik, a upoznala se i s načinom rada Studentske službe kao i Službe za odnose s javnošću. Informacija o posjeti profesorica iz Bugarske objavljena je na zvaničnoj web stranici Internacionalnog univerziteta Travnik u Travniku.

<https://iu-travnik.com/predstavnici-kazimieras-simonavicius-univerziteta-posjetili-internacionalni-univerzitet-travnik/>

U periodu od 26.06.2022. do 02.07.2022 godine profesori Saobraćajnog fakulteta Univerziteta "Angel Kanchev", Ruse, katedra za transport, Valeri Georgiev, Asen Asenov, Velizara Pencheva i Yuliana Popova imali su priliku upoznati se s načinom rada i funkcionisanja Internacionalnog univerziteta Travnik. Tokom posjete profesori iz Bugarske održali su sastanak sa Danislavom Draškovićem i Abidinom Deljaninom, profesorima Saobraćajnog fakulteta Travnik. Profesori su razgovarali o proširenju saradnje između dva Univerziteta zajedničkim učešćem u Erasmus programu Capacity Building. Nakon sastanka predstavnici Angel Kanchev Univerziteta imali su priliku testirati simulator vožnje koji koriste studenti Internacionalnog univerziteta Travnik. Tokom zajedničkog sastanaka sa akademskim i administrativnim osobljem IUT-a, Koordinator za međunarodnu saradnju, Zlatko Mecan, predstavio je Internacionalni univerzitet Travnik, te nastavne i istraživačke aktivnosti. Posljednjeg dana mobilnosti profesori su posjetili biblioteku i laboratorije Saobraćajnog i Ekološkog fakulteta Travnik. Informacija o posjeti profesora iz Bugarske objavljena je na zvaničnoj web stranici Internacionalnog univerziteta Travnik u Travniku.

<https://iu-travnik.com/profesori-saobracajnog-fakulteta-univerziteta-angel-kanchev-iz-bugarske-posjetili-iut/>

Na Internacionalnom univerzitetu Travnik u sklopu Erasmus + programa mobilnosti u periodu od 24.05. 2022. do 28.05.2022. godine, boravile su profesorice Diana Kalibatienė i Jolanta Miliauskaitė s univerziteta Vilnius Gediminas Technical University (VILNIUS TECH) iz Litvanije. Ova posjeta je nastavak saradnje između partnerskih univerziteta iz Bosne i Hercegovine i Litvanije koja je započela prije nekoliko godina. Profesorice su tokom boravka na IUT-u održale predavanje studentima Fakulteta informacionih tehnologija Travnik te razmijenile iskustava s nastavnim osobljem. Profesorice Kalibatienė i Miliauskaitė su prisustvovala i 24. Međunarodnoj konferenciji "Nove tehnologije u funkciji održivog razvoja saobraćaja, ekologije, logistike i politehnike". Prvog dana Konferencije profesorica Miliauskaitė je prezentovala i naučni rad koji će biti uvršten u časopis „Nauka i tehnologija“. Informacija o posjeti profesorica iz Litvanije objavljena je na zvaničnoj web stranici Internacionalnog univerziteta Travnik u Travniku.

<https://iu-travnik.com/profesorice-iz-litvanije-posjetile-internacionalni-univerzitet-travnik/>

**Tabela 1. Prikaz Erasmus+ odlazne/dolazne mobilnosti studenata, nastavnog i nenastavnog osoblja u akademskoj 2021/2022. godini**

| Godina            | Odlazna mobilnost studenata | Dolazna mobilnost studenata | Odlazna mobilnost nastavnog i nenastavnog osoblja | Dolazna mobilnost nastavnog i nenastavnog osoblja | Institucija  | Ukupno za godinu |
|-------------------|-----------------------------|-----------------------------|---|---|--|------------------|
| <b>2021/2022.</b> | -                           | -                           | 7   | 4   | Angel Kanchev Univerzitet Ruse, Bugarska,          | 11               |
|                   |                             |                             | 4   | 2   | Vilnius Gediminas Technical University, Litvanija, | 6                |
|                   |                             |                             | 10  |   | Univerzitet Rey Juan Carlos, Španija,              | 10               |
|                   |                             |                             |   | 2   | Kazimieras Simonavicius Univerzitet, Litvanija     | 2                |
| <b>Ukupno</b>     | -                           | -                           | <b>21</b>   | <b>8</b>  |  | <b>29</b>        |

Na IUT-u u akademskoj 2021/2022. godini realizovano je ukupno 29 Erasmus + mobilnosti i to odlazna mobilnost nastavnog i nenastavnog osoblja 21 i dolazna mobilnost nastavnog i administrativnog osoblja 8, a odlazna i dolazna mobilnosti studenata nije realizovana zbog nezainteresiranosti studenata iz partnerskih zemalja. U akademskoj 2021/2022. godini ostvaren je veći broj mobilnosti u odnosu na prethodnu akademsku godinu. Univerziteti s kojima je ostvarena mobilnost su Univerzitet Kazimieras Simonavičius iz Litvanije, Angel Kanchev Ruse iz Bugarske, Vilnius Gediminas Technical Univerzitet iz Litvanije i Univerzitet Rey Juan Carlos iz Španije. Kroz razne aktivnosti kao što su organizovanje zajedničkih konferencija s partnerskim univerzitetima, radionice, menadžerski sastanci i predavanja u akademskoj 2021/2022. godini realizovalo je ukupno šest sporazuma što se može vidjeti u narednoj tabeli.

**Tabela 2. Prikaz realizovanih međunarodnih sporazuma u akademskoj 2021/2022. godini**

| Godina            | Broj realizovanih međunarodnih sporazuma | Institucija                                       | Konferencije / radionice, treninzi / Erasmus+ mobilnost nastavnog i nenastavnog osoblja/ razmjena znanstvenih radova i materijala |
|-------------------|--|---|---|
| <b>2020/2021.</b> | 6  | Angel Kanchev University Ruse, Bugarska           | Erasmus+ mobilnost nastavnog i nenastavnog osoblja  |
|                   |  | University Rey Juan Carlos, Španija               | Erasmus+ mobilnost nastavnog i nenastavnog osoblja  |
|                   |  | Univerzitet u Novom Sadu                          | Ecobias radionica   |
|                   |  | Vilnius Gediminas Technical University, Litvanija | Zajednička organizacija XXIV Međunarodne konferencije i Erasmus+  |



|               |  |  |  |
|---------------|--|--|--|
|               |  |  | moblnost nastavnog<br>osoblja                                |
|               |  | Kazimieras Simonavicius University,<br>Litvanija | Zajednička organizacija<br>XXI Međunarodne<br>konferencije   |
|               |  | Metropolitan Tirana University, Albanija         | Zajednička organizacija<br>XXIII Međunarodne<br>konferencije |
| <b>Ukupno</b> |  |  | <b>6</b>   |

## 5. Međunarodni sporazumi

Rektor Internacionalnog univerziteta Travnik u Travniku, prof. dr. Rajko Kasagić i Gašper Gantar, direktor Fakulteta za zaštitu okoliša iz Velenja, Slovenija, 14.09.2022. godine potpisali su Sporazum o saradnji između Internacionalnog univerziteta Travnik i Fakulteta za zaštitu okoliša, Velenje.

Osnovni cilj Sporazuma je uspostavljanje međusobne saradnje u području obrazovanja, nauke i istraživanja, poticanje razvoja, dobro razumijevanje među narodima i dugoročna međunarodna suradnja. Suradnja će se temeljiti na pružanju podrške aktivnostima koje će biti od interesa za Internacionalni univerzitet Travnik i Fakultet za zaštitu okoliša

**Izveštaj je izradila Služba za međunarodnu saradnju Internacionalnog univerziteta Travnik u Travniku**